



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCXLVII. ad annum CCCCI.

Parisiis, 1644

X. De his, qui grandaeui ad sacram militiam conuertuntur.

urn:nbn:de:hbz:466:1-15256

Psal. 49.
stituta. Et quia non est nobis de huiusmodi usurpationibus negligendum, ne nos indignantis Domini vox iusta corripiat, qua dicit: *Videbas furem, & currebas cum eo, & posnebas tuam cum adulteris portionem:* quid ab vniuersis posthac ecclesiis sequendum sit, quid vitandum, generali pronuntiatione decernimus.

IX.

Diss. 77.
Quicunque itaque se.
Quicumque itaque se ecclesiæ vouit obsequiis a sua infantia, ante pubertatis annos baptizari, & lectorum debet ministerio sociari. Qui ab accessu adolescentiae usque ad tricesimum ætatis annum, si probabiliter vixerit, vna tantum, & ea, quam virginem communī per sacerdotem benedictione percepit, vxore contentus, acolythus & subdiaconus esse debebit: post quæ ad diaconii gradum, si se ipse primitus, continentia præente, dignum probarit, accedit. Vbi, si ultra quinque annos laudabiliter ministrit, congrue presbyteriū consequatur. Exinde, post decennium, episcopalem cathedrā poterit adipisci, si tamen per hæc tempora integritas vitæ ac fidei eius fuerit approbata.

X.

Qui vero iam ætate grandæuus, melioris propositi conuerfatione prouocatus, ex laico ad sacram militiam peruenire festinat, desiderii sui fructum non aliter obtinebit, nisi eo, quo baptizatur, tempore, statim lectorum aut exorcistarum numero societur; si tamen eum vnam habuisse, vel habere, & hanc virginem accepisse constet vxorem. Qui dum initiatus fuerit, expleto biennio, per quinquennum aliud acolythus & subdiaconus fiat, & sic ad diaconatum (si per hæc tempora dignus iudicatus fuerit) prouehatur. Exinde iam accessu temporum, presbyterium vel episcopatum, si eum cleri ac plebis euocarit electio, non immerito sortietur.

X I.

Diss. 84.
Quisquis cle.
Quisquis sane clericus aut viduam, aut certe secundam coniugem duxerit, omni ecclesiasticæ dignitatis pruilegio mox nudetur, laica sibi tantum communione concessa. Quam ita demum poterit possidere, si nihil postea, propter quod hanc perdat, admittat.

X II.

Feminas vero non alias esse patimur in domibus cleri-